

SIYAFEZWA ISITHEMBISO SOKUGUQULWA KWEMPILO YABANTU YENZIWE NGCONO

VUSI SHABALALA

KwakunguLwesithathu lomhla zingama-30 kuLwezi wezi-2016 ngesikhathi 'ithimba lezokuxhumana' libhekisa amabombo elokishini eMadadeni e-Newcastle. Lena ngenye yezindawo ezingaphansi kukaMasipala weSifunda Amajuba esendaweni ecishe ibe ngamakhilomitha angama-20 uma uphuma e-Newcastle.

Ngokomlando waseNingizimu Afrika futhi ikakhulu ngesikhathi sobandlululo, 'ilokishi', kwakuyindawo eyayihlala abantu abamnyama (abantu abansundu, amaNdiya kanye namaKhaladi) ababehlala eduze nalapho kwakuhlala khona 'abantu abamhlophe kuphela'.

Ayakiwe ngendlela ethi ayifane nendlela okwakiwe ngayo amalokishi esihlala kuwo manje. Ingqalasizinda ivera ikuxoxele indaba edabukisayo. Imigwaqo yayingenatiyela futhi iwubhuqu, izindlu zokuhlala zazincane ngokwesakhiwo futhi kuminyene abantu abaningi kuzona kungekho kwagesi futhi engekho namapayipi ahambisa indle. Njengalokhu le ncazelo iya igxila engqondweni, ukwenanela kweminjuni yokuzidabukela nokucasuka kuya kukhula kithi.

Kuphezu kwakho konke ukuhlukumezeka kwesikhathi esedule, kumele siyithakasele inhloso yohlelo olubizwa nge-'Operation Sukuma Sakhe' njengoba sesibona imiphakathi eminingi isizakela kakhulu.

Uhambo lwethu lwasiholela emzini ongunombolo 565 eMgwaqeni uMahlangu eMadadeni ophethwe ngu-Rosalie Sesi Nkosi onamalungu angama-15.

Lapha sikhuluma ngomndeni onamalungu amaningi kakhulu kunendlu ahlala kuyo ewayo.

Ngesikhathi sihambele lo mndeni, ngaqaphela ukuthi kwakunezingane eziyisithupha (6), ezinemin'ya ephakathi kwemine (4) kuya kweyi-19 ubudala ezisahamba isikole kusuka eBangeni R kuya kwelesi-9.

Okhulume egameni lomndeni usibikele ukuthi abanye abayisithupha (6) abasahlali nabo ngenxa yesimo esingasihle abahlala ngaphansi kwaso.

Ukugcizelelwa kokuthi siwuhlonze kanjani umndeni wakwaNkosi ukuthi yiwona ofanelwe wukuhlomula 'kwi-OSS' kwenze ukuthi umuntu athi ukubuka ngehlo elibanzi iqhaza elibanjwa yikhansela lendawo ekuphumeleliseni uthuthukiswa komphakathi. Ikhansela lendawo lingumholi womphakathi ngempela.

Njengomholi womphakathi, lowo muntu kumele alinganise ukuhlizelwa kwezidingo zabantu

aphinde agxile ekubhekeleni ukuthi uyenziwa umsebenzi womphakathi.

Ithimba elibhekele imiklamo yomnyango likanye nobuholi bomphakathi waseMadadeni lenza okungaphezu kokulindlekile ukwelekelela lo mndeni. Kwasuswa phansi indlu enamagumbi amabili okulala nekhishi, igumbi lokuphumula kanye nendlu yangasese engaphandle/indawo yokugezela kwaze kwaphothulwa.

Nansi imisebenzi eyenziwa, ukuthengwa kwempahla yokwakha kanye nokukhokhela abakhi okwadidiyelwa elibhekele imiklamo ngokubambisana nobuholi bomphakathi, ukuhlolenjwa komhlaba (kwasuswa izihlahla kanye namatshe ayephansi lapho kuzohanjwa khona), ukwakhiwa kwesisekelo sendlu, ukufakwa ukumiswa kwezinsika zendlu, ukufakwa kophahla olungama-tile, ukuxhunye kwezintambo zikagesi, ukufakwa kwamapayipi okwelekelela (afakelwa ukuhlizelwa ngamanzi kanye nokuhambisa udoti kanye nalawo aletha ugesi), ukuvikelwa kwesakhiwo, ukushiselwa kwamapayipi, ukuqedelwa kwezindonga ngaphakathi/nangaphandle, ukufakwa kwama-tile aphansi kanye neminye imisebenzi ukuze uphuthulwe umsebenzi.

Uma ubheka inani lokudayiswa kwezindlu kulesi sikhathi, umsebenzi owenziwe kule ndlu ungalinganiselwa kuma-R 500 000.00. Kuyinto ejwayelekile ukuthi umholi womphakathi abe nekhono lokwakha ubudlelwane obuhle nazo zonke izinhloko zomphakathi.

Okumqoka kakhulu kumuntu walolu hlobo wukuzibophezela kanye nokuzinikela ukuze abe ngummeli ekuxazululweni izinkinga zabantu abaholayo. Ngaphezu kwalokho umholi womphakathi kumele abe sekhaleni ukuhlwela izintshisekelo zabantu futhi akhuthaze ukubandakanyeka komphakathi ezinhlelweni zokuphathwa kahle kwendawo.

Ngaphezu kwakho konke, ukuhola umphakathi kumayelana nabantu ohlala nabo nabaseduze nawe. Akusikhona nje ukukhuluma ngezinqubomgomo, izinqubo kumbe imigomo. Okukhulu kunakho konke ukukhi kumayelana nabantu.

Singakubalula ngokungananazi ukuthi uMnyango Wemisebenzi Yomphakathi uyisizinda sezokuthuthukiswa nokwakhiwa kwengqalasizinda esigabeni sezomnotho nezenhlalo, ikakhulu, eNingizimu Afrika njengalokhu iyizwe elisathuthuka. Inzuzo esobala ngokwakhiwa kwengqalasizinda wukuhlizelwa



Indlu entsha eyakhiwe abakwaNkosi kwanombolo 565 eMgwaqeni uMahlangu eMadadeni, e-Newcastle. **Isithombe: VUSI SHABALALA**

kwamathuba omsebenzi, ukuba khona kwezikhungo ezikhulisa umnotho, ukuncishiswa kwezinga lobubha kanye nokwenziwa ngcono kwempilo. Ngakolunye uhlangothi, ukwentuleka kokwakhiwa kwengqalasizinda kuvamise ukudala izingqinamba ekukhuphuleni izinga lozinzo kanye nokulwa nobubha.

Ngakho-ke kumele sikuqonde ukuthi 'umnyango wezemisebenzi yomphakathi' ubandakanya ingqalasizinda engekahlulumeni nesetshenziswa uhulumeni ngokunjalo nezakhiwo zomphakathi okungaba yizikole, izinkantolo, imitholampilo, izibhedlela, njll.

UMnyango Wemisebenzi Yomphakathi ubhekele impahla ebonakalayo esetshenziselwa

ukunikezela ngezidingo emphakathini, ebandakanya ingqalasizinda kanye nemisebenzi eyenziwa nguhulumeni.

Okuyisimemezelwe-ke ukuthi kubalulekile ukuthi zonke izakhamuzi zibe nokusebenzisana nohulumeni ekuthuthukiseni umphakathi ngendlela efanele nenempumelelo.

Kumele kugcinwe lokhu kusebenzisana ngokuthi bonke ababambiqhaza baqhubeke nokuzibophezela, ukuzinikela kanye nokubamba iqhaza ekufezekiseni imiphumela elindelekile.

Ihhovisi lesifunda elise-Midlands, ngaphansi kobuholi bukaMqondisi Wesifunda, uMnu. Gcina Hadebe, esekwa yithimba lakhe elihlanganise amaSekela

aBaqondisi kanye neziMenenja zeSifunda, babambe elikhulu iqhaza kulolu daba, namuhla sesingasho sithi 'bafaze isithembiso esenziwa' nguhulumeni sokuthi 'siguqula impilo yabantu ibe ngcono'.

"Singakubalula ngokungananazi ukuthi uMnyango Wemisebenzi Yomphakathi uyisizinda sezokuthuthukiswa nokwakhiwa kwengqalasizinda esigabeni sezomnotho nezenhlalo, ikakhulu, eNingizimu Afrika njengalokhu iyizwe elisathuthuka."



Yindlu yangasese engaphandle nendawo yokugezela endlini engunombolo 565 eMgwaqeni uMahlangu eMadadeni e-Newcastle. **Isithombe: VUSI SHABALALA**



"Ngokomlando waseNingizimu Afrika futhi ikakhulu ngesikhathi sobandlululo, 'ilokishi', kwakuyindawo eyayihlala abantu abamnyama (abantu abansundu, amaNdiya kanye namaKhaladi) ababehlala eduze nalapho kwakuhlala khona 'abantu abamhlophe kuphela.'"

UNgqongqoshe Wezemisebenzi Yomphakathi uMnu Ravi Pillay